

度

支

奏

議

度支奏議目錄

雲南司六卷

題報富河順義燬失邊糧疏

題勲戚內臣助運輸值叙錄疏

條議新漕濟運急著疏

遵 旨回奏漕糧遇雨腐朽疏

覆江西監兌林玄督催舊逋完欠疏

題報助運凍糧各官分別旌叙疏

題漕糧單例并覆張文德等違悞疏

覆浙江監兌王嘉言運遲餉虧疏

覆戶科查覈輕賁據實銷筭疏

覆巡漕龔御史叅運弁張守業等提問疏

覆巡漕潘御史叅運官駱懋昭等捏報焚舟疏

覆應天巡撫叅熊經徐日曦疏

覆津通漕糧濫惡腐塊查叅各官疏

度支奏議卷之六

太子少保戶部尚書潘青畢自嚴視草

題勲戚內臣助運輸值叙錄疏

題爲恭報轉運凍糧事竣以慰

聖懷事雲南清吏司案呈本年四月十三日奉本部
送戶科抄出本部題前事奉

聖旨據報凍糧轉運已畢經管助運的都與紀錄獎
勸該部還通將一年總數尖平徹底清筭具奏津
貯償催速完立限與他洋缸准留借用不得委誤

欽此欽遵抄出到部送司除行文各該衙門外
遵外案查崇禎二年十二月二十九日奉本部
傳奉

聖諭戶部大集車輛頭畜起運漕糧接濟欽此崇禎
三年正月初一日又該本部題爲凍糧收歛已
多撥兵防守宜亟謹據揭入

告仰祈

聖裁事奉

聖旨轉糧派兵設防一面集車速運京通二倉酌量

速近一體行該衙門知道欽此又該本部題爲欽奉
聖諭事奉

聖旨軍儲至急這集車運糧等事若待遠募不無延
悞還速行料理立刻舉行一面差人分投各處星
催起運不必候文到部承委各官仍着三日一奏
遲悞以軍法從事欽此正月初六日又奉

聖諭傳戶部卽傳勲戚文武內臣富民之家但有牛
羸車輛的都着爾部報名差官督押前去務開鄴
縣等處裝運漕糧進京照道里遠近依例給與脚

價事平仍行叙賚急行勿緩欽此又該本部題
再議陸運漕糧事宜以便責成事奉

聖旨各款依議飭行欽此又該戶科都給事中解學
龍題爲凍糧亟須車輛敷背

旨不遵據實糾叅乞賜速備赴運併陳捐助事宜以
明普天急公之誼事奉

聖旨糧運緊關軍國協僉應有同心前諭用車給價
原非科掇如何漫不遵應這疏所說李誠銘等各
宜猛省還着該部同各城御史通查前後出過車

輛的併未出的及果否無力備車的詳明具奏
薪免捐前已有旨其急公樂輸出自諸臣本念
應官民人等有盡忠捐助的該科記明旌叙該衙
門知道欽此又該本部題爲水陸之運甚艱督理
之法宜備謹據披解控陳以速飛輓事奉

聖旨這項糧水陸速運已有屢諭各處所報車輛着
如數如期撥投遲慢必寬勅嚴車輛有無多寡查
數具報遵前旨行該委司官往來督饋嚴禁挽和
併剝舡排造委官陸傳俱如議該衙門知道欽此

俱遵行欽遵在案今奉前因除經督運務查
著尖平米數另行查明題報外其勲戚內臣有
勅運急公者相應題叙以示激勸案呈到部
臣等看得漕糧阻凍沿襲已非一日戎馬生
焚掠大爲可虞維時河干一帶寄囤二百餘萬
儲糈厥勢殊岌岌焉無論粒糈辛苦總是民
而倉庾置極軍需費夥稍有差池所係豈細
哉臣等職司

邦計憂惶欲死仰賴我

皇上

聖慮深長初

諭臣部大集車輛頭蓄起運接濟復

諭勲戚內臣富民之家但有牛羸車輛者都著裝運

進京煌煌

天語中外欽承一時急公憂

國者罔不輪蹄輻輳共效勛奉

明綸而急

國恤大忠也厚軍儲而資守禦大義也念民艱而

舒運苦至仁也所爲協心合力以助臣部之承
逮者至宏巨矣我

皇上不憚

天言嘉茲勞勩

命與紀錄獎勵臣等敢不詳核奏

聞以昭布

天恩于萬一乎今查勲戚內臣中有捐銀助運者則

有戚國公朱純臣襄城伯李守鋡寧陽侯陳光

裕寧晉伯劉天錫崇信伯費天澤清平伯吳遵

周太康伯張國紀英國公張惟賢等八員也而
張國紀又復運米不領腳價矣有裝運而慨捐
腳價者在勲戚則有新樂伯劉效祖惠安伯張
慶臻陽武侯薛濂誠意伯劉孔昭武清侯李誠
銘豐城侯李開先左都督周奎楊光夔都督僉
事田弘遇駙馬都尉萬煒冉興讓王昺齊贊元
等十三員在內臣則有東廠王永祚司禮監宋
晉曹化淳郝隱儒邊希舜甲字等庫劉秉忠原
任司禮監王文政王體乾沈蔭張邦詔田玉金

忠王敏政季縉史賓高時明張守恭劉鉉

御馬監趙本政宋聚奎司設監劉忠文書房劉文
忠大壩提督楊致中等二十三員也又有雖經
領價而實効運載之勞者則有駙馬都尉鞏永
固劉有福都督僉事萬洪祚安遠侯柳昌祚都
督僉事袁祐新城侯王昇等六員也合簪組之
精神急漕河之飛輓囊金刀弊效輸將于庫鎡
匱之之時馬跡車塵爭馳逐于干戈紛紜之際
雖胼手胝足所不憚勞而水棹陸輪咸思裕

國其間捐貲多寡運米久暫卽不能一槩取齊而
其爲好義終事之念則均矣允宜遵

旨紀錄優叙以爲勞臣之勸除經管運務各官另行
題叙外謹將各勲戚內臣捐過銀數并運過米
數開列上

聞伏祈

天語褒嘉從優紀錄使四夷聞之無不共怵我
國家得道之助其所關於

君恩臣誼非淺鮮矣旣經該司案呈前來相應題

請恭候

命下臣部行文各該衙門一體欽遵施行

崇禎三年五月二十八日具

題六月初三日奉

聖旨各官助運輸值具見勤公但先後多寡亦宜分別該部還酌議來看欽此

題報富河順義燬失邊糧疏

題爲查明焚掠邊糧謹據實題明仰祈

聖裁酌議開銷追補事雲南清吏司案呈本年二月初一日該本部批據昌平糧儲主事宋開春呈爲酌議兌給糧米事內稱泓灋運米俱被虜燬本鎮缺餉甚急乞賜撥補等因奉批此項邊糧焚燬若干空運廳卽查確速報又該本部查得焚燬漕糧係干重務劄行空運廳備查凍阻邊糧被虜焚掠者的有若干作何抵補速議詳報

去後二月二十二日據宛運廳主事林弘衍呈
稱滁州大河二衛起入泓船昌鎮邊糧共四千
五百三十四石運至富河距州二十里凍阻難
行被虜燒燬一千六百石及後冰泮行委經歷
謝瑚逐船撈取得米六十八石又於附近處所
搜尋窖藏米一百三十九石難民乘機盜竊失
落米二千七百二十七石六斗六升等因到部
奉批此事延久未報今始查明不及附入前疏
之內據所焚掠失落者又計四千餘石數亦不

貴目前作何抵補雲南司會同貴州司查議
報以憑具題運官旗甲應否追提一併酌行奉
此隨即移會貴州司議復在案又查得它運廳
呈報文內止開被燬被盜米數並無燒燬船隻
數目并船戶官旗姓名及有無殺擄虛捏情弊
備查的確詳報以憑據實具題去後及節次行
催未報間四月十八日又奉本部送據該廳呈
爲夷賊焚燬殺擄奸民乘機盜竊籲天轉呈以
救子遺事開據密鎮經紀潘國祿等稟稱去年

十月間派裝揚州衛指揮李先春高郵衛指揮
畢懋忠糧米行至平家灘順義縣等處凍阻未
一月十五日夷賊入犯船所往廻扎管將潘國
祿名下泓船燒燬三隻計米二百七十石楊魁
名下泓船燒燬二隻計米一百九十石又燒燬
回空船七隻奸民乘機偷盜共計壞失米二千
六百八十石五斗三升殺死經紀張亮等六名
殺擄船戶常守忠等三十餘名等情據此查得
漕河

舊制以船裝載糧米離通俱屬密鎮催理當逆虜關
入之時已經移會該鎮隨准回稱奉有

新旨凡凍阻糧米俱着就近州縣搬運進城則潘國
祿等所載高郵揚州二衛糧米該順義等縣搬
運以備不虞不意順義知縣趙暉中偷生辱

國甘心降奴卽再四檄催裝如充耳以致船糧燒
燬盜失虧損

國儲暉中之罪死有餘辜此時職居通城四門填
塞一帶富河地方俱爲虜藪消息不通時窮勢

追無可奈何緣查密雲糧儲孫主事已經陞任
未行申報本職不得不代爲呈請等因到部奉
批前有富河邊糧今又有順義邊糧俱報焚燬
雲南司通行查明酌議具題奉此查得富河焚
掠船糧業經行查及節次行催未據回報今又
報有順義邊糧相應一併查催速報以便具題
去後今於五月初四日奉本部送據空運廳林
主事回稱查得滁州衛指揮張丕烈糧米三千
一十七石大河衛百戶陳啓元糧米一千五百

一十七石六斗六升俱于去年十月中旬到通
當卽撥派昌鎮經紀塔三樂等三十二名泓船
四十五隻每船勻裝一百石止尾船多裝三十
四石零運至富河凍阻十一月十五日奴虜突
至數次扎營此間至十一月二十一日復舉火
延燒經紀塔三樂等一十六隻泓船糧米一炬
無存又附近回空船六隻劉桂芳等泓船二十
九隻止燒頭尾糧米大約十去二三殺死經紀
陳文學船戶常登等共九名擄去船戶李尚文

等六名大河衛綱司一名滁州衛旗甲十餘名
業經本職親詣踏勘隨委經歷謝瑚逐一查驗
明白及後冰泮撈取遺米六十八石復於附近
處所搜尋在窖米一百三十九石其餘二千七
百二十七石零避難貧民與船戶等役乘機偷
盜或不能無然被燬與盜失委難槩論升合亦
屬

國儲伏祈念彼苦役忽遭兵火合照河西務坐糧
廳已行成案責令官旗經紀船戶等役照例勻

賠庶邊儲不致盡損而運役亦得稍甦矣等因
到部奉批雲南司查議具題奉此擬稿具題間
五月十四日又奉本部送據密雲糧儲主事孫
士髦呈報高郵衛指揮畢懋忠凍阻牛山以北
漕糧業經坐糧廳查審明白着令經紀楊守忠
等認賠米七百石零三斗取有認狀在案其牛
山以南者係空運廳查明另文詳報等因到部
送司恐米數前後不合復行備查去後五月二
十一日隨據密鎮經紀潘國祿等呈稱順義縣

等處凍阻漕糧奉

旨附近州縣搬運進城以避虜患未蒙搬運十月十五等日夷賊在於順義等處扎營焚燬搶失牛山以南米共三千一百餘石其牛山以北米七百石零三斗已責經紀認賠不在三千一百之內等情在案該本司查得昌密兩鎮凍阻邊糧被虜燒燬及難民乘機竊取情繇俱再四覆查明確相應具題案呈到部該臣等看得虜騎狂逞縱焚船糧雖兇鋒烈焰非隻手空拳可當

然船運中途而船戶旗甲各有典守之責獨不可蚤爲設法預爲窖藏乎今查昌鎮邊糧凍阻富河一帶地方者則有滁州衛指揮張丕烈大河衛百戶陳啓元共米四千五百三十四石泓船四十五隻經紀塔三樂等三十二名燒燬重船一十六隻燒燬米一千六百石餘船二十九隻止燒燬頭尾而已及後冰泮委經歷謝瑚逐船撈得遺米六十八石搜尋窖米一百三十九石尚該米二千七百二十七石六斗六升實係

被難貧民與船戶等役乘機竊取非盡化爲燼
燼也據報殺死經紀船戶陳文學常登等九名
擄去船戶李尚文等六名大河衛綱司蔡舉一
名滁州衛旗軍十二名此昌鎮燒燬殺擄之糧
數人數也密鎮邇糧凍阻順義縣一帶地方者
則有揚州衛指揮李先春高郵衛指揮畢懋忠
共米七千餘石除剝運入倉外其被虜燒燬及
被乘機搶失米三千一百四十石五斗三升內
經紀潘國祿名下燒燬泓船三隻米二百七十五

右楊魁名下燒燬泓船二隻米一百九十石又
燒燬回空泓船七隻其餘糧米二千六百八十
石五斗三升亦多爲奸民乘機偷盜而去至又
殺死經紀張亮等六名殺擄船戶常守忠等三
十餘名又牛山以北搶失凍糧七百石零三斗
業經通廳查明責令經紀楊守忠等認賠完納
無容他議此密鎮燒燬殺擄之糧數人數也再
四覆查遂淹時日委無虛捏情弊及查總管員
密二鎮邊糧實係通州空運主事林弘衍之責

但舊例一過土壩載入泓船則其職盡矣昌鎮
邊糧在富河一帶者焚劫四千餘石查富河距
通州二十里又係奴賊往返扎營之地軍民紛
亂似非人力所能捍禦也密鎮邊糧凍阻沿河
者原有二萬八千九百石去年十一月初旬臣
據餉司孫止孝之呈卽爲具題收歛責成附近
州縣設法搬運入倉而卒損失三千餘石實在
順義地方距通州五十里距密雲八十里亦係
奴賊兵馬經繇之地則知縣趙暉中投虜怠慢

之罪而於空運廳及餉司亦無與也且孫上奏
呈報在先又保全凍糧已多近以才望陞授密
道例得免議林弘衍守通司餉効有勤勞屢爲
諸臺臣所鑒賞兩地失糧俱非意外所及尚冀
一徼

聖明之寬政耳但此燬失糧米升合皆係

國儲以難置而弗問及查前次務關通廳所報燒
燬船糧內有船戶旗軍被殺擄者已蒙

皇上開恩豁免其見在者船戶旗軍量改折色四六

均賠業有成例今似當比而同之查兩鎮船戶
旗軍被殺被擄者六十四名應比例豁免米二
千八百二十石其餘被搶失落米四千八百五
十四石五斗三升責令見在船戶旗軍照例四
六攤賠仍着完運主事林弘衍嚴限追併務期
全完庶錢糧清楚而法令彰明矣既經該廳呈
報前來相應題

請恭候

命下臣部行文各該衙門欽遵施行

崇禎三年五月二十八日具

題六月初四日奉

聖旨這富河順義等處燬失漕糧空運官及餉司自
難辭責何得輒委無與孫止孝念任衝鎮姑免議
林弘衍着戴罪督追攤賠完日奏奪其應豁免的
准照通務例行船隻着詳查補造該衙門知道欽
此

條議新漕濟運急著疏

題爲漕規漸復整飭宜新謹陳濟運急著以裕積貯以副

宵旰事雲南清吏司案呈奉堂諭漕規漸復一切剝運交納事宜與舊歲不同雲南司查照申飭務期速運釐奸有裨漕政奉此該本司查得漕例載在議單法制曷嘗不備無何一壞於遲再壞於疎遂無復從前周詳之規制矣昨歲以守凍之時而當虜騎之衝故不得不爲權宜之計如

運收城內隨便窖藏免令官旗赴倉交納雖濟
變之急着而實不可株守爲常者也今新運伊
始委應查例申飭案呈到部該臣等看得我
國家定鼎燕都借七省之轉輸以供給軍衛其事
重故立法亦最嚴中間領兌剝交之時裝載苦
蓋之制以及防奸釐弊之法旣條分縷晰復提
綱挈領固行之萬世無弊者也不謂法久人玩
習守來爲故常而虜騎突乘焚侵可慮又不得
不暫爲權宜之計仰賴

皇上威靈震懾不但腥羶漸掃而向來積疲之漕運
已浸浸乎整頓一新矣乃就中時宜尚有當逐
項籌畫者其事貴速其法欲嚴相應列款奏

聞伏惟

皇上垂察一官旗督押之當責夫漕糧自水次領兌
逮於沿途剥運倉庾晒收皆官旗之責也上年
因值虜警守禦爲難曾經題奉

欽依或收城邑或藏地窖卽准作交納實數旣任其
勞不再用其力旣費其財不再竭其貲蓋憐苦

累而體恤之非定例也目今新運方來事局臣
變仍應照依漕規往例各該官旗務要逐地照
管趁時輸將期蚤竣事而止毋徒襲玩作奸錯
口卸責以致米色不類交納疎虞者也至於奸
貪官旗年來折乾盜賣視爲尋常及至起剝掛
欠動以數千石計甚有至萬石者無天無法莫
此爲甚迺以守候查叅曠日經年希圖漏網尤
非政體今後每幫起缺初完督部勒令京通二
廳卽行銷算設法追補有欠至五千石之外者

卽時據實題叅立寘重典庶官旗知儆而積弊
可挽矣一各役插竊之當禁查南來母船每隻
可載米五百餘石迨抵關後水淺舟膠不得不
行剝運而每剝船一隻止可載米一百四五十
石則一母貽勢必分爲三剝矣一網一旗不能
分身照管而關役竊取通役竊取開壩橋役又
無不逐處竊取致原數不足而挿糠攪土以補
湊之所必然也甚至泥爛成塊臭腐不堪雖加
晒揚終難收放可勝惜哉除前次李文昇等已

經叅送究擬外相應再行嚴禁如船車經紀水脚等役敢有仍前承舛插竊滋弊者或驗米得實或官軍告發定以侵欺京邊錢糧從重科罪各經管司官恐亦不得盡辭其責也一剝船修補之當議查得額設剝船在務關該八百隻在通糧廳該五百七十隻在五閘該三百三十隻在挖運廳該七百八十四隻蓋因重船抵閘不能前來故以剝船分運之船價艚值皆有定數亦何嘗苦各役以不足哉乃積玩相仍或船數

短少或修艙無法遂致延捱守候官旗受累軍需消耗皆剝船不敷之爲祟也相應嚴行查核除逆奴焚燬者臣部於前月內題奉

明旨令務關排造一百隻通廳折算造三百五十二隻半空運廳造一百四隻原限五月報完仍責遵限完報外其見在者亦須修艙完固挨次分別不許尅價肥家草率了事各經管官務勒限考成查點印烙從實做去不但額數無虧亦可免於沉漏濕米之虞如糧多剝少不妨多催民

船用幫急需經紀人等亦不得營私生計阻滯
催船至於通廳務閑乞運均有漕輓之責各爲
勛勦之計極力擔當無分畛域同舟共濟事觀
厥成否則本部且執

功令以繩其後矣一母船抵壩之宜復查得漕船
原有抵橋之例嗣因水勢稍逆不能直達而抵
壩其舊規也故先年運務無起剝脚價之費近
緣河淤水淺權置外河剝船濟急漸至稍遲守
凍而一切糧運又多在冬春之間于時霜降水

涸每致重運不前目今漕規漸復糧運漸蚤夏
秋之交正天雨水漲之時所有南來漕船仍須
責令照例抵壩卽或水勢高低不能一槩通行
不妨於母船內外剝一船仍令母船同剝船一
併抵壩不但脚值半省而盤剝旣無耽遲則交
納自不違限計無便於此者至山東遮洋二總
船隻原係領兗山東河南二省漕米其地較近
故抵關獨蚤一經交卸便可南還揆之來年新
運尚多空閑時日查往年亦有留用協剝之例

該臣部先於四月內已經酌議疏

請暫留協撥津糧其運價照例支給奉有

俞旨今津運將完而尚未用也辰下新運鱗集待剝
無船合無仍遵前議姑留協運數轉庶飛輓如
期而庾政有濟矣一蓆片苦葢之當議查漕糧
原有隨糧蓆片以備包圍打捲之需但盤剝轉
運之際在官旗或照管不到在船戶經紀又痛
癢不關當此大雨時行之時多致淋漓濕蒸虧
蝕額米伊誰之責嗣後各處剝船每隻責令該

衛官旗備蓆二十片各船戶經紀備蓆十片但
遇霖雨急圖苦蓋倘仍前疎玩致雨濕米爛者
責令照數賠償仍從重究擬以肅三尺一晒收
需索之宜除凡漕糧起運到倉晒揚原有成例
入版不許稽遲載在卑欸可覆按也邇來各倉
官攢書皂歇脚等役但圖肥己作奸不顧害人
府怨百計需索必求如意打點得到總濕爛糠
粃之糧不難寬假賄賂稍薄卽乾圓潔淨之米
不免苛求種種弊端難以枚舉致令卑遠官旗

無門可控而米多紅腐支放維艱可不嚴爲禁
絕乎近幸各倉監督無不人人振勵猶恐簡點
不到之處尚多弊藪所當以厲禁整飭有犯無
赦則懲奸卽所以恤運而

國儲攸賴矣以上六款雖覺平平無奇言言舊話
但期奉行如法俱見實事其於漕運倉儲亦未
必無小補矣蓋往年漕船抵通糧運盛行之時
則有漕臣駐劄通津倉臣不時巡行皆可資其
彈壓督催之力今倉臣已裁而漕臣尚遠竭歷

經營臣部實肩其責攬餽溺職昕夕時悚於懷
聊借三令五申之舉以爲懲前毖後之謀誠不
勝鰓鰓過慮惓惓屬望者也伏候

勅下臣部轉行各該衙門遵奉施行

崇禎三年五月二十八日具

題六月初三日奉

聖旨漕單屢歲條陳領兌剝交米色船支苦蓋晒收
原有規則無奈積弛釀弊成法盡湮這所奏諸款
着内外管漕各官惕舊警新銳意整頓該部科不

時查叅至官旗掛欠動輒千萬套追漏網踵習依然以後有這等的定置重典不宥該衙門知道欽

此

遵旨回奏漕糧遇雨腐朽疏

題爲遵

旨回奏事雲南清吏司案呈六月初一日蒙本部奉
御前發下紅本該本部題爲恭報僨運糧儲事等因
奉

聖旨這五日運過京通邊糧并復糧數目知道了前
津運糧米如何尚未查來著卽回奏欽此欽遵到
部送司查得五月二十九日該通糧廳郎中丁
流芳奏爲遵

有回話事奉

聖旨與權臣爛必有情弊就如插和糠土亦豈天恩
所爲丁流芳不行根究但以曾經報部聽揚補折
含隱回話何以懲後念經管非一官姑着戴罪確
查具奏該部知道欽此案查五月十七日該本部
捧

內閣傳出奉

上傳聞得運來漕糧有模爛不堪腐成大塊的經管
司官竟徇隱不言卿等卽傳戶部速行查明據實

來奏仍着經管司官回將話來欽此該本部卽到
經管司官另行回話外遵於十八日題爲欽奉
上傳事奉

聖旨據奏十二十三遇兩豈能驟腐成塊還是自彼
處已有情弊着嚴查根因具奏不得徇隱臭米不
許混收欽此卽行天津餉部及津倉司道并督部
通糧廳河西務關嚴查臭米成塊根因以便具
奏仍行各倉卽將臭米另行晒揚收貯一厥不
許混收仍開具晒乾的確數目去後又該本部

於十九日題爲凍糧轉運將完要地緩急當計
事內准天津部院翟鳳翀咨稱前事奉

聖旨這凍糧原係何處漕運如何堆積經官爲誰混
爛若干進京若干在外若干星速通查明白具奏
欽此復行督部餉部及京通各倉星速欽遵通
查明白以便據實具奏今於六月初一日准總
督倉場孫居相咨內稱據督理遼餉僉事張志
芳主事樊維城天津兵備右叅政石聲諧呈奉
本部劄付前事遵卽備行兵糧同知王秉衡嚴

查前項情弊去後隨據該縣呈稱去歲十一月
漕糧凍阻河干奉

旨搬運入城又蒙新舊巡漕御史守候催促督餉部
道責成嚴切卑職不辭晝夜不避雪雨雇輜覓
騾肩挑背負務期盡入津城毋爲虜資庶幾犬
馬報

主之微誠故兩月內收過一百餘萬其間豈無奸頑
旗甲乘機揷和然時日迫切人心驚懼卽欲稍
爲等待而不可得米色之不同糠粃之時有亦

時勢之不能不然者若云朽腐成塊不惟津
不敢發兌舡戶不敢收受而督押過壩之際衆
經黥驗始克交納豈肯受此無用之物然則全
日朽爛之米其爲靈雨之淋瀝炎夫之薰蒸爛
舡苦蓋之不周明矣希惟照察等因據此本道
覆查得去年十一月內奉餉部憲牌除截留春
運三十三萬外將近津上下五六十里漕糧千
艘盡行搬運入城本司道親督兵糧同知王承
衡等不避風雨馳騖河冰搬運至六七十萬石

新舊巡漕御史猶以爲少手劄連趲直抵獻歲
車輛尚未敢輟積至一百三萬七千有奇收受
倉卒未經晒揚固不能保其水之精鑿至若腐
成火塊決不敢以入倉正月內奉前餉部劄付
奉

旨將收津米悉入京庾隨即雇募民船陸續發運本
司道親督出販選擇佳米令委官方逢璧婁光
德賈世爵等二十二員原係在倉收米卽令押
船交兌雖頭運爲斛面少號旬日二運交兌卽

速俱未聞有朽爛不收之說今據同知王秉衡
呈稱委果五月十二十三等日驟雨連朝或其
苦蓋未及倉卒罅漏時當溽暑腐成大塊諒或
繇此況民船新募倘有閣淺進水盤剥狼籍別
情本司道各有職掌鞭長難及事在押運諸臣
見今已運三十五萬乞行坐糧廳分別好米收
受爛米發回查在五月十二日以前者察情罰
治五月十二以後者念係天時所遭非關情弊
抵作別項支銷務使漕糧顆粒不致虛耗庶令

有弊者知警而無弊者亦感浩蕩之

皇恩矣等因到部據此爲照凍糧起卸津門彼時事勢倉卒其間垂機揔和者難保必無以米經曬揚之米值此溽暑加以靈淋成腐成塊最易易也第一

明旨謂還是自彼處已有情弊着嚴查根因具奏今據司道會查委無他弊至米色不堪者分別未雨之時旣雨之後察情罰治似情法之平矣煩爲酌奪題覆等因又于六月初三日准天津部

院翟鳳翀咨亦據司道樊維城張志芳石聲諧呈前事爲照津門收貯凍糧本部院未任時事也奉

旨轉運京通本部院甫任後事也緬思去冬虜薄近郊搬運惟恐不速不多故兩月之間收入津城者三百萬有奇當倥偬之際難免奸旗挿和之弊不論精粗美惡而收之者時值其然勢所必至迨後奉

旨通通本部院誠恐奸頑船戶乘機故挿和有禁沿

途盜賣有禁且

欽限甚嚴亟督司道兩廳星夜雇船裝運仍令餉道親押各船抵通交卸者凡二次又令餉司不時沿河查催今已發運過三十五萬有餘是轉運之速稽察之嚴津門可謂不遺餘力矣若果有腐爛成塊無論司道不肯允發卽船戶亦不肯收受則

明旨所云腐成大塊之米其爲十二三雨濕可蛆蓋天時炎熱糧米薰蒸易未腐塊委無別項情

弊至於五月十二以前運到者某官十二以後
運到者某官俱赴通廳投文想該廳必有的據
其中分別罰治在貴部自有定奪無庸本部院
之贅也咨煩查照裁奪回 奏施行等因咨會
到部又據監督舊太倉員外宋應軫呈稱自五
月初十日起至二十五日止共收津米三千石
內淨米二千六百八十四石一斗濕潤晒乾米
一百石泥爛不堪米一十八石四斗晒折米一
百九十七石五斗南新濟陽倉主事張堪呈稱

共收米五千一百一十二石內淨米四千八百
八石二斗晒折米三百二十三石八斗海運倉
員外郎筭繼良呈稱共收米二千八百四十五
石內淨米二千六百八十七石四斗浥爛不堪
米一十三石四斗晒折米一百四十四石二斗
北新倉員外郎鄭抱素呈稱共收米一萬八百
四十一石三斗二升內淨米六千九百六十一
石六斗一升濕潤晒乾米三千三百九十八石
七斗一升浥爛不堪米三百四十六石晒折米

一百三十五石西新倉主事丁明登呈稱共收
米三千八百六十九石四斗五升內淨米三千
七百五十六石二斗五升二合九勺不堪米二
十七石五斗三合晒米八十五石六斗九升四
合一勺各等因到部送司查得濕米根因旣經
備覆前來相應具奏案呈到部該臣等看得去
年運艘鱗集凍阻河干共計二百餘萬嗣值虜
警倉皇臣等恐有不測及資盜糧深切根本之
憂飛通關以至津門惟期速運入城以多方將

歛爲首功維時督運諸臣不暇力講晒揚以求
精鑿卽有奸頑旗甲乘機揷和不能逐細驗是
以津門收至一百三萬七千有奇此其收歛保
全之功誠有足多而不能必米之盡乾圓潔淨
者亦時勢使之然也至正月內奉

旨轉運入京除運關運餉外餘卽雇覓民船着該司
道府廳親督出販選擇佳米令原經收委官方
逢壁等二十二員押運轉交查從前坐糧廳及
各倉監督呈詳雖有津糧濕色之說原無腐爛

成塊之語今遇五月十二十三等日雷雨連朝
經紀船戶沿途苦蓋不周未免滲漏霑濕兼以
時值溽暑炎氣薰蒸遂有腐成大塊者臣部方
星速通查諭令各倉設法晒揚務求堪用廼

聖明之詰問至矣臣等誠皇悚無措今准督部餉部
據天津司道查報各覆前來又經臣部查取各
倉近日晒揚津米確數通共收過津米二萬五
千六百八十七石七斗零內見在淨米二萬零
八百九十七石五斗六升二合九勺濕潤晒乾

米三千四百九十八石七斗一升其泔爛不堪
米四百零五石三斗三合并粶折米八百八十
六石一斗九升四合一勺二項共一千二百九
十一石四斗九升七合一勺分別開報在案通
計各倉泔爛粶折多寡不等以二萬四千三百
九十六石二斗七升二合一勺計算每石約虧
折米五升二合九勺俾查泔米入倉原有虧折
則例用部今歲且無粶爛折二斗五升內免旗
軍入倉五升准該倉粶揚粶折五升猶有三升

餘糴作爲正糧今雖云濕米而總計縣折猶未
幾達五升之數也漕米初濕之時似饒饒入甕
雖及加晒揚磨者已化爲灰塵乾者漸還其本
質即有腐爛不堪四百餘石猶成顆粒嗅之竟
有酸味未盡腐朽雖不敢以給軍然亦未便棄
擲臣令各倉另麻盛貯抵充倉役腳米或以一
斗五升准作一斗亦可無棄物矣伏祈

皇上俯念此米先遭腐變近值天雨委非人力所能
挽回見今各倉重加晒揚另爲收貯其晒揚虧

折及不堪者總在正額尖耗之外原與入倉平
米無損至于開壩船戶失於苦蓋近通糧廳郎
中丁流芳回話業蒙

聖恩姑着戴罪催運其各經紀船戶仍令該廳從重
究懲若夫津門米色不佳先是卽有煩言亦宜
行令餉部將原收米運米委官方逢璧等戒飭
究罪庶懲前毖後而漕政愈肅矣旣經督臣并
各倉司官呈覆前來相應具奏恭候

命下臣部行令各衙門一體欽遵施行

奏議
崇禎三年六月初七日具

題本月十二日奉

聖旨通糧腐塊必有根因如何不一追求只推遇雨
至津糧浥爛與雨無干前旨欲查何處漕運并經
管爲誰及已運見存數目今乃竟不明奏率紐舍
糊憑何處分還着剖詳奏奪欽此

覆江西監兌林玄督催舊逋完欠疏

題爲遵

旨查明回

奏事雲南清吏司案呈六月初二日奉本部送戶
科抄出該本部題爲考覈監兌司屬官員事奉
聖旨這奏內載有未完銀兩又云各項錢糧俱已完
及分數是何說還着明白奏來欽此該本司查得
江西監兌主事林玄督運漕糧俱已完結其兼
催江省崇禎元年分見徵京邊各項錢糧共銀

三十萬一千四百五十四兩六錢零又天啓六
年起至崇禎元年止三年額解輕賚共銀二十
一萬五千八十五兩以上二項共銀五十一萬
六千五百三十九兩五錢零共完過銀四十二
萬七千一百二十八兩五錢零共未完銀八萬
九千四百一十一兩零以上見徵總計已完八
分以上未完一分七厘又六七兩年京邊各項
帶徵銀八萬九千二百四十八兩零每兩例徵
二分共該完銀一萬七千八百五十六兩六錢

零今已完過銀二萬三千九百兩零以上帶徵
總計完溢分數其前疏所開未完銀八萬餘兩
者以本官經催京邊輕賫等項未完之數而總
計之也所云完及分數者以各項銀兩總計完
數而言也今奉

明旨詰問相應據實回

奏案呈到部該臣等看得監兌司官督兌漕糧及
兼催各項錢糧俱其責任差回考覈按其遲速
完欠以爲殿最今江西監兌主事林玄督催漕

糧開兌開幫俱不後期而兼催京邊輕賚等項
共銀五十一萬六千五百三十九兩有奇今據
冊報催完四十二萬七千一百二十八兩零而
未完者尚有八萬九千四百一十二兩零又催
完六七兩年各項帶徵銀兩俱已溢額統而計
之俱完及分數疏中明載欠數而告之

皇上者不敢隱也又云完及分數者以總完總欠而
計之也再照監兌一差漕糧輕賚原係職掌至
于京邊各項錢糧俟漕糧兌完之後責令兼催

故考覈功罪必先漕糧之遲速輕賫之完欠而後及各項錢糧今本官督兌開幫比之往歲已早三月見年輕賫又復全完較勝他省兼催各項錢糧總計亦完至八分以上況江省素稱瘠瘵從來逋賦更多而所完若此亦可謂不溺其職矣蓋考成之法州縣有司完及九分以上免叅司道府官完及八分以上免叅本官帶催折色似當比於司道之例卽不敢更求紀錄或亦可免於罪譴是在

皇上神明之洞照覆載之優容耳既經該司查覆前
來相應覆

請恭候

命下臣部行文各該衙門一體欽遵施行

崇禎三年六月初七日具

題本月初十日奉

聖旨林玄兼催舊逋尚未足額但念督兌漕糧并見
年輕賁俱已全完姑着復職管事仍罰俸三個月
欽此

皇上欲爲之分先後較多寡總期勞在必酬而恩施有節臣等謹遵

明旨酌議分別查捐銀四百兩以上與運糧在三百石以上而辭腳價者爲上等則有成國公朱純臣先後二次共捐銀四百六十兩襄城伯李守鎬先後二次共捐銀四百兩左軍都督府都督僉事田弘遇運米一千三百八十二石駙馬都尉萬燁運米一千石駙馬都尉冉興讓運米一千石駙馬都尉王昺運米一千石太康伯張國

紀捐銀一百兩又運米四十石後軍都督府
都督楊光夔運米五百石駙馬都尉齊贊元運
米五百石惠安伯張慶臻運米五百石陽武侯
薛濂運米三百七十三石新樂伯劉劬祖運米
三百一十石以上十二員所當從優旌資者也
其捐銀自一百兩以下與運米在二百石以下
者爲次等如寧陽侯陳光裕捐銀一百兩寧晉
伯劉天錫捐銀一百兩崇信伯費天澤捐銀一
百兩清平侯吳遵周捐銀一百兩誠意伯劉孔

題報助運凍糧各官分別旌敘疏

題爲恭報轉運凍糧事竣以慰

聖懷事雲南清吏司案呈奉本部送戶科抄出該本部題稱前事內奏勲戚內臣裝運而捐腳價并輸銀而助運事及已効運而領腳價緣繇六月
初三日奉

聖旨各官助運輸值具見勤公但先後多寡亦宜分別該部還酌議來看欽此欽遵抄出到部送司查得勲戚內臣助運銀兩先後多寡不同具有案

冊可稽卽應分別酌議覆

請兼呈到部該臣等看得先是奴警戒嚴漕糧二百
餘萬凍阻河干旣防賫盜亦謹疎虞幸藉

皇上憂深

國計特

諭鼓舞勲戚文武內臣協運事平叙存誠激勸之微
權而濟變之妙術也是以一時勲戚內臣仰體
皇上宵旰莫不子來趨事或輸車輛載粟或輸銀錢
助運斯其忠勤雖同差等特異

昭運米一百七十石武清侯李誠銘運米一百
二十二石豐城侯李開先運米一百零五石都
督府左都督周奎運米八十石英國公張惟賢
捐銀五十兩以上九員所當一併叙資者也其
運糧而領受腳價者又爲次等則有安遠侯柳
昌祚運米五百五十三石領腳價銀一百一十
三兩二錢五分駙馬都尉鞏永固運米五百石
領腳價銀一百兩後軍都督僉事萬洪祚運米
五百石領腳價銀一百兩駙馬都尉劉有福運

米五百石領腳價銀一百兩

皇親袁祐運米一百九十四石領腳價銀四十二兩
新城侯王昇運米一百二十二石領腳價銀二十五兩八錢以上六員所當并爲查敘者也
至於內臣運糧自九百石以至三百而不受腳價者爲上等則有東廠太監王永祚運米九百二十五石司禮監秉筆太監曹化淳運米八百一十一石司禮監掌印太監宋晉運米五百五十二石司禮監太監郝隱儒運米三百六十石

原任司禮監太監王文政運米三百六十六石
甲字等庫太監劉秉忠運米三百四十石以上
六員所當從優旌賚者也又運糧一二百石而
未受腳價者爲次等則有原任司禮監太監張
邦詔運米二百六十六石王體乾運米二百四
十六石沈蔭運米二百三十七石田玉運米二
百三十石原任

御馬監太監趙本政運米一百八十八石宋聚奎
運米一百五十三石原任司禮監太監金忠運

米一百四十石原任司設監太監劉忠運米一
百二十八石原任文書房太監劉文忠運米一
百零九石以上九員所當一并叙賚者也其運
米不及百石而不受腳價者爲又次等則有司
禮監太監邊希舜運米八十石原任大壩提督
御馬監太監楊致中運米七十石原任司禮監太
監史賓運米六十九石五斗季縉運米六十六
石王敏政運米六十石高時明運米三十四石
張守恭運米二十三石劉鈺運米一十八石

上八員所當并爲查叙者也以上諸臣好義急公感時趨事均抱吞胡之志共切飛輓之圖其多寡之不同者諸臣厚薄之力不得強而齊也其輕重之不等者

朝廷報功之典宜按數而稽也今已查明酌議分別等次合應覆

請紀錄旌賚則人心兢勸而漕務攸賴矣旣經該司查呈前來相應覆

請恭候

廣文彙編
命下臣部行文各該衙門一體欽遵施行

崇禎三年六月十二日具

題本月十八日奉

聖旨這助運各官既經查明著與分別旌叙該衙門知道欽此

題漕糧單例并覆張文德等違悞疏

題爲遵

旨回奏事雲南清吏司案呈本年六月初二日奉本部送戶科抄出本部會同倉場戶科題覆州縣有司官張文德等違悞漕務降級緣繇奉

聖旨法須畫一適宜方便永遵前孫居相條議漕務違限的引軍機律如何這奏仍止照單例降罰功令不定前議何爲孫居相始不究着部科會同再加嚴覈具奏仍將今後漕規通行叅酌凡回空到

次收糧開倉官旗領運起兌完兌開幫抵京各款俱逐項分別勒定限期罰例來看欽此欽遵抄出到部送司遵卽移咨督部戶科覆議去後今於本月初六日奉本部送准總督倉場本部尚書孫居相咨稱查得職歲前十二月到任之初卽會計京倉糧米實在之數僅僅八十萬石有奇時援兵口糧日添倉庾經費日詘該職廩廩憂不足故毅然建議酌改運期謂違期者以失悞軍機論罪其心固曰漕事大壞之後非嚴其法

必不足以激勵人心乃其心猶曰漕事大壞之後卽嚴其法恐不能以遞挽積習雖然

宗社爲重爵位爲輕使諸臣而猶言泄泄相視乎職亦何所顧忌而不以軍法從事也幸蒙

皇上俯采末議慨發

嚴旨一時管漕大小臣工咸

恩畏法交相兢奮於是報開兌開幫過德過津者日繁累焉故上歲六七月而首幫竟無音耗者今歲三月中旬已報抵關矣是今歲運事較上歲

頗蚤數月孰非

皇上嚴旨一激之力亦孰非諸臣同儕共濟之忠維
其後幫及江南北諸幫接續而來不無有違

欽限然大勢既發職計日計程嚴督沿河諸臣設法
催餉不但今歲運事可完卽空船亦可回次從
此年復一年蚤而愈蚤尚有憂漕規之不復倉
廩之不充哉故職二三月來欲露章以糾劾不
忍沒諸臣數月拮据之勞欲叩

闕以求寬又恐啓官旗中途逗遛之習正在躊躇忽

皇上俞科臣之疏有事完議處之

旨故職暫爾停筆以俟完運另擇其違玩太甚者從
重議處以信

明旨以儆將來此職爲

國一片血忱徒自盟自知而不敢語諸人者也今
蒙

嚴旨切責不敢不據實以告至酌議適宜永遵之法
莫如卑例若職所建議則一時濟變之微權而
非萬世經常之

令典不可以此而易彼也除職先已詣

闕謝

恩外擬合咨覆伏乞裁酌回

奏等因到部送司查得議單內萬曆五年題

准各運糧完選委運官管押空船定與期限令赴該
省糧儲道投驗遲違一月者照依故違

欽限事例擬罪一月以上者罪外罰俸三箇月隆慶
四年題

准每年漕糧俱限十月開倉十二月終完兌開幫如

十二月終有司無糧軍衛無船督糧司道及府
州縣掌印管糧官并領運把總指揮千百戶各
罰俸半年過正月者各罰俸一年過二月者各
降二級布政司掌印官降一級三月終不過淮
者督押司道等官及領運把總以下各降一級
四月終不過洪者一體叅究隆慶五年題

准各巡撫漕運河道等官於兌運事竣將兌完過淮
過洪日期并船糧細數

奏報巡撫不得過二月漕司不得過三月河道不

得過四月如有司糧米不完軍衛船隻不備以致過淮遲誤者罪在巡撫若有司有糧軍衛無船并船已到淮不卽驗放及不係河道變故壓幫停泊有誤過洪原限因而漂凍寄囤者罪在漕司其糧船依限前進河渠淤淺疏築無法撈淺無人及閘座開閉失時致有停阻不得過洪抵灣罪在總理河道悉聽科道官叅究成化七年題

准山東都司北直隸衛所限三月初一日完糧江北

直隸鳳陽等處衛所限四月初一日完糧南甯
江南直隸衛所限五月初一日完糧浙江江西
湖廣各衛所俱限六月初一日完糧違者總督
衙門巡倉御史分別叅究罰俸降級若南京并
江南直隸各衛所先江浙二省糧米江壯衛所
先江南各府糧米領運官違限查照二省并江
南事例叅治正德五年題

准運官故違限期寄回守凍把總至三千石指揮二
千石千戶一千石百戶五百石以上每人一次

降一級若所寄不及數者俱止照常例發落旗
軍不服催債在途遷延者發邊衛充軍崇禎三
年總督倉場孫居相題

准新例山東河南漕糧在單例原限三月分完納今
議山東限二月末旬河南限三月上旬以兩省
糧艘不過淮卽少促數日亦不見爲難苦直隸
江壯鳳陽等處原限四月今議照限四月中旬
江南南京等衛所原限五月今議照限五月中
旬浙江江西湖廣原限六月今議量寬至七月

中甸務如數全完如期盡到以上單例查明相
應具覆案呈到部該臣等會同總督倉場尚書
孫居相戶科都給事中玄默覆看得漕運之有
議單自

祖宗以來歷經多官酌議題奉

欽依永著爲令與天下共遵守之此經常之法也督
臣建議漕糧違限以失悞軍機論罪日覩奴氛
孔棘危漕可懼非重其法不足以震悚人心蓋
藉軍機以維議單之窮非執軍機而廢議單之

法也及查議單開載事恭詳而法恭嚴自開倉到次以及完糧回空自運官有司以及督撫河道各有限期亦有罰例業已開列如前但其中亦有限期分定罰例未詳者臣等謹再爲斟酌而增所未備如運官管押回空臣部行通糧廳酌量道里遠近給發限單赴漕儲道投驗遲遲一月者擬罪一月以上罪外罰俸三月此舊例也其駕赴水次應照造船到次之例定於十月下旬如在京通交糧稍遲者亦限十月初旬回

南定於十一月下旬到次違者自十二月爲始
計月叅罰此單例未詳今應補入者也有司十
月開倉收糧官旗於十一月下旬起先領運一
切完先開幫總不得過十二月之期又過淮以
三月爲期過洪以四月爲期違者俱照單例降
罰此單例分明無容再議者也至於抵京完糧
之期單例原分地里遠近以定時日遲速如山
東河南定於三月江北定於四月江南南京等
處定於五月浙江江西湖廣定於六月視之督

臣近議亦不甚遠但督臣改山東於二月寬江
廣於七月是爲少異仍當以單例爲據至於運
官寄囤守凍亦宜照例降處此叅酌舊例而酌
爲定限者也及查違限各官單例止云分別叅
究罰降而無削籍革職之文良以民糧軍充涉
江踰可風濤叵測旱潦難齊雖立法欲竣而行
法欲平況於軍機法律動干刑戮而可輕爲援
引乎今議仍照單例違限一月者罰俸一年二
月者降一級三月者降二級再違遞降重處除

侵欺錢糧罪在不赦外有玩愒太甚者

皇上間施不測之威然文官以革職削籍爲重典武
官以提問調衛爲重典未便輒以軍機從事者
也至於漕事接年以來回空開兌開幫過淮過
洪過閘之時悉愆期會以守凍爲故常等單例
於廢格今但照單例舉行已無一非可處之宜
矣况軍機重典乎節年以來扼腕於遲漕者至
欲通行改折一年誠謂沿習已久光陰篤速則
轉移爲難耳如回空到次單例限十月十一月

內客歲彼時方在通津守凍至二月開凍漕臣
龔一程方押漕船回空至四月內總漕方報回
空盡數過淮雖有新例雇募民船終是有限不
能滿額况督臣之疏奉

旨實在初春而欲浙直江廣年前完兌其將能之否
乎總之回空一遲則無所不遲此實漕事受病
之根今歲賴

皇上英斷督責諸臣廩廩救過不給其浙直漕船已
聞有抵津抵關者臣部亟催通務設法剝運從

此便可挽過爲速然而時傳六月未報過淮湖廣尚未報開幫蓋雖無不自盡之心而實有不能盡之力時勢使然亦誠無可奈何耳竊聞救弊去其太甚今年當虜氛初靖仍宜斟酌於時勢之緩急情法之寬嚴明年漕事斷當申明卑例今歲雇募民船旣多則在南之漕船應當及時赴兌抵壩回空悉遵舊例着着緊湊計可漸復

舊制而不至如今歲之愆期也臣等願與河漕中外

諸臣共勉之矣及查州縣張文德等四員始之
遲悞允運罪則何辭已而旋復完允尚未出未
月之內則猶知祇奉

功令也前擬仍照二月不完之例降職二級已數
單例從重議處今復奉有畫一永遵之

旨但查近日屯田御史李玄復

命叅劾張文德已引不謹例冠帶間住馬斯臧已引
不及例改教俱當聽候吏部題覆從重處分無
容再議其胡靖共武用賢二員既白之未及

猶奉職之無過似當姑如前議降職二級照舊
管事則函益之仁與震疊之義並行而不悖矣
既經會議前來相應覆

請恭候

命下臣部行文各該衙門一體欽遵施行

崇禎三年六月十五日具

題本月十九日奉

聖旨漕運單例歷年條議甚勞查核雖詳規條無緒
該部科還分款細酌逐項另開期於一日瞭然簡

明畫一以便頒布永行張文德馬斯臧旣以劣狀
被叅違限益徵玩肆着革了職爲民胡靖共武用
賢俟漕運俱完通行議奪欽此

覆浙江監父王嘉言遲遲餉虧疏

題爲欽奉

明旨清查考覈官員事雲南清吏司案呈奉本部送
戶科抄出該本部題前事等因六月初三日奉
聖旨該省督父開幫後期督徵見徵帶徵各項本折
多未足額若云司屬勢不能行此差何須復設勸
戒全憑考核宜有確規王嘉言還着倉場部科叅
看來說欽此欽遵抄出到部送司遵卽移文總督
倉場及戶科細加查議去後相應具覆案呈到

部該臣等會同總督倉場本部尚書孫居相戶科都給事中玄默看得漕糧輕資京邊

內供俱軍

國之急需宜依期而徵解監兌司官奉

命督催漕糧之後復責兼催各項錢糧所當盡心竭力督催通完庶稱厥職差回考核以完欠爲殷最遵行在案今查浙江監兌員外郎王嘉言督兌崇禎二年起運元年分漕白二糧內除改折外該米六十六萬四千一百五十石有奇其大

運在七月間開幫已屬後期內海寧縣半運米一萬八千六十一石五斗零至今歲方到尤屬遲玩雖繇士民控訴全折撫按交章請

命以致耽延之久然而職司監兌者不能力爲主持是人以贅疣視本官而本官亦以贅疣自視也及查輕賚京邊遼餉各項銀兩及

內供絲綿折絹見徵帶徵亦未盡完足額雖揆以時勢之艱難則中情似在可原若責以職業之虧歉則法紀亦所難追及查蘇松監兌主事元

之偉因允上海漕糧遲滯兼以輕賁欠多已蒙
明旨降二級調外任用今王嘉言事同一體合無照
例降級以示溺職之警以肅考核之法庶於設
官建職隨事考成之意有攸當矣既經會議僉
同相應覆

請恭候

命下臣部行文各該衙門一體欽遵施行

崇禎三年六月十五日具

題本月十九日奉

聖旨王嘉言督兌催糧乃運旣愆期解復虧額旣經
考核姑着降二級調外任用以後監兌官催徵錢
糧有地方官不奉行的卽指名叅來毋得因循任
罪該部知道欽此

覆戶科查覈輕資據實銷筭疏

題爲查覈輕資銀兩仍乞

勅部據實銷筭以清錢糧事雲南清吏司案呈本年
三月二十一日奉本部送

御前發下戶科都給事中玄默題前事內稱據戶部
雲南司送據坐糧廳郎中丁流芳開造收放青
冊二本本官任內連舊管共收過銀五十四萬
八千九百二十五兩三錢零除支放解交過銀
五十四萬八千九十二兩零尚實存在庫銀八

百三十三兩二錢零雖則例有據出入相符然就中不無當裁當減當復行部稽查銷筭仍議將濫費透支等項嚴行裁禁等因奉

聖旨輕賁銀兩既有開支必有着落這奏內所指各項着該部一一查覈具奏透支宜禁濫費宜裁內運官扣抵一節京通二廳關會必實銀解京方准銷欠仍立條例飭行該部詳議具覆欽此欽遵到部送司遵卽移咨督部及劄京通二廳查議去後今於六月初三日奉本部送准總督倉場本

部尚書孫居相咨覆前事內稱行據京糧廳郎中寶星呈稱查得輕賁銀兩前此俱歸通廳收放開銷似於太專此部科所以疏併太倉誠法之善也及查通廳解過銀數據該庫主事易孔贊回稱共收銀一十一萬五千兩俱差庫官袁子高等管解太倉銀庫歸入漕折項下已爲米折支銷訖以後清查酌議定立條例經久可行法始畫一銀歸太倉管庫者例不呈詳呈詳者銀不經手與通庫之自收自放者不同倉橋關

壩工食自有單例修船置袋俱是乘除之數
當因時增減者也如倉院之公費無其名豈敢
冒其實祭壩等項項有銀兩所當全裁及減半
裁之者也至運官簞菜等銀頭緒頗煩完糧自
領者應於輕賚開銷掛欠扣抵者又是米折實
數銀未到而先銷欠終是懸虛所當兩相照應
另貯一處以免日後之混淆也又據管理坐糧
廳郎中丁流芳呈稱查得輕賚銀兩支領皆有
定則緩急各因其時權變每奉批詳成例必仍

其舊運役腳價銷筭之冊載有地里遠近京倉
完糧支給查有運官款目單例開具甚悉抗價
惟憑糧數修倉祇循舊規倉院公費祭壩享神
歲額捐沿支給雖發於公帑扣除實抵其腳價
及查解過太倉銀一十一萬五千兩押解俱係
庫官袁子高見有批廻并銀庫科院號印在卷
等因各到督部據此看得輕賁一項原以供剝
運完糧之需凡運官之簞茨倉攢歇腳籌架鋪
廠修房水五項支給款目繁多計工授值就中

多寡裒益議單臚列具備裁減似難輕議止欠糧運官折抵一節必銀到方准開銷所當申飭以免混淆至閘壩經紀車船戶等役排造修造置袋公費祭壩等項每年支領種種總於本年內扣除開銷邇來漕法積弛京通之額運不預支之繁費不貲故扣抵難敷透支日甚若不徹底清覈將來濫觴何極除倉院公費祭壩奢用二者宜裁減外其餘惟有權緩急之宜嚴透支之禁近題銀歸太倉則詳請剗發自能精

覈至各役舊逋例應勾扣尤當責令通廳逐項
分折磨算明確造冊分送部科以便互相稽核
查扣庶經久可行積弛有瘳容煩再加酌奪具
奏等因到部送司案呈到部該臣等看得錢糧
各有款項出納必求歸着當此財用匱絀之時
雖銷銖無容假貸今查郎中丁流芳自崇禎元
年四月二十八日接管起至三年二月初六日
止共收過新舊輕賫銀五十四萬八千九百二
十五兩三錢零一項支運官劉登雲等天啓六

等年分釐羨房水完糧等銀一十萬四千九百
七十一兩五錢零一項支給船戶沈汝桂等天
啓六等年分修船募夫等銀一十萬二千一百
一十九兩九錢零一項支給過船車戶等役徐
禎等天啓六等年分脚價銀一十七萬五千四
百五十七兩六錢零又支給過各項月糧召買
布花紙劄工食銀五萬五百四十三兩一錢零
又差官袁子高解交過太倉庫銀一十一萬五
千兩又實存在庫銀八百三十三兩二錢零俱

有冊領批收可查雖欸不一端事不一人而開
支着落俱實實有據矣惟是濫有當裁數有當
減及透支當禁臣部亦時時申飭而相沿日久
一朝未能頓清今科臣軫念時艱題奉

明旨如倉院每年公費銀七百四十五兩二錢二分
衙門旣裁則銀將安用所當照數裁革還歸太
倉者也如橋壩祭祀每年牲品銀五十八兩委
屬過奢今議四處共准銀十二兩備辦品物應
用其餘四十六兩如數裁減作正支銷者也此

外則有完糧之銀宜議也每歲糧運到倉例該
包圍抗糧抱籌飯米房水等五項銀兩今後務
查據款目文冊要見完糧若干該銀若干方准
支給如有起欠掛欠者按數扣留其官旗中有
無私逃仍將房水銀嚴行查扣不得聽信欺蒙
混支則虛冒之弊可清也又有簞羨之數宜核
也查羨餘銀江浙湖廣四總每船四總上江等
七總每船二兩山遮二總每船一兩而簞夫銀
原分三等每米一石有一分或八厘或六厘之

不同蓋添釐與否從不能槩齊俱聽漕儲逐幫
查報按數支給今後凡糧運抵通該道卽將各
幫船釐羨銀兩則例攢造印冊一本存部備照
青冊五本類送臣部用印分送督部戶科銀庫
京通兩廳備照庶按籍而給則混領之弊可清
也又有實銀銷欠之法宜議也查運官掛欠漕
米應查釐羨銀扣抵往例徑有不候銀到而旋
與銷欠者非法也今後京通二廳務查太倉庫
內果有應領釐羨堪抵米折銀兩一開一收立

案明白取具領狀實收方准銷欠不許已冒冒
羨又作米折有名無實暗中虧蝕則懸銷之弊
可清也又有優恤之銀當議也查官旗盤纏各
有定數但完糧過淮有無違限仍該減扣一半
今後支銀之時務逐員清查不許一槩循例冒
領至於病故員役雖例應優卹然必取各地方
印官勘實甘結爲據則欺罔之弊可清也又有
修倉鋪厰籌架之銀宜議也蓋修倉舊例大修
隸之工部小修爲數不多原係詳動支給惟籌

價銀兩各監督務嚴加磨筭候兩部詳允而鋪
廠一節近來糧運隨年支給既非推陳年久浥
爛可虞且松木半准改折豈鋪廠獨不可簡省
者今後以十廠爲率其全鋪者不過三廠則虛
糜之弊可清也至於透支一項爲數最多爲弊
亦甚巧恰似牢不可破然亦有扼要一法可以
清理除前此透過銀一十五萬一千七百八十
三兩零已經臣部題奉

俞旨准令十年扣完該通糧廳業將前項銀數分別

造冊到部容臣部駁查明白要見某項人役每年該扣銀若干責令該廳照例刊成書分送督部戶科銀庫等各該衙門存案以後每年照例扣除仍俟年終通籌

奏繳今後領銀支給之時必須斟酌糧數多寡因糧酌給旋發旋扣毋以本年推之後年前人推之後人日積日多愈累愈重至於造船則例通邊務關關壩各軍白糧船每船排造銀多至八十兩少亦不下五六十兩俱十年一造其料價銀

雖係官給仍在各役腳價內十年扣完其每年
修艙每船或一二十兩不等及口袋每條或八
分或九分不等俱在各役腳價內當年扣還舊
例各役每借船袋急需先圖領銀花費又借議
單陸續扣還之說復將應支腳價朦朧全領經
管官喜於樹德務爲通融轉眼差滿新舊不相
照管久則化爲烏有曾何分毫扣除哉今後除
排造價多另作一項勻扣若壞船促在限內而
扣銀延至限外卽將該役究革參送追處其艙

船置袋二項但查本年共該漕糧若干某項人役約該脚若干以十分爲率定令預給幾分用備修船置袋之用所有原投領狀止開預放脚價銀若干兩附註修船置袋字樣備查不必專立修船置袋名色致恣兩下重冒之奸每次找支時時照管全額無令踰越總候年終查銷工滿價足不得聽其已領又領濫觴無已此輩嗜利無厭影射多端方事緩時則以修船置袋爲名逮事急時又以脚價不足借口迫人以不得

不從之勢卽經管官多爲陳乞墮其圈套而不
自覺今後責經管官加息銷筭如剝運緊急寧
令通關二司官總領貯庫按日支領俟差滿日
造冊考覈卽以曾否扣除有無透支爲殿最而
以黜陟隨其後則數十年積弊或可冀望改絃
矣以上諸款從歷年積弊中祛其弊不使有虛
浮冒濫之端從陋習難清處直清其源務使有
真解實支之用呈詳管庫不一其手將何所施
其彌縫京通關鎮各分其職將誰爲徇其情面

此實輕賈之關鍵卽科臣所謂行部查算核實
清濫者倘亦可以互相發明乎旣經科臣具
題又經總督倉臣咨覆前來相應遵

旨條例具覆恭候

命下臣部行文各該衙門一體欽遵施行

崇禎三年六月二十日具

題本月二十三日奉

聖旨丁流芳任內輕齎銀兩既有冊領批收可查姑
准銷筭此項情弊相沿人情久玩自今須徹底清

核永塞耗竇透支尤爲弊藪除每年扣完外如有
再仍陋習卽以監守自盜論所立條例諸款俱依
擬着實申飭行欽此

覆巡漕潘御史叅運官駱懋昭等捏報焚舟疏
題爲船隻被焚之後宜防官旗乘機捏報侵糧懇
乞

聖明天語申飭責成運官各照典守完糧事雲南清
吏司案呈本年正月二十二日奉本部送

御前發下巡按直隸監察御史潘士遴題前事奉

聖旨運官駱懋昭等捏報焚舟希圖侵運好生欺玩
着照數追補完日擬罪具奏該衙門知道欽此欽
遵到部送司遵卽劄行坐糧廳查追去後又爲

新糧緊急等事該巡漕御史龔一程題催十三
運總速押回空急濟新運緣繇奉

聖旨運弁交糧果完方准速回前已有旨這奏內把
總該部查係領運不係交糧卽督令回空不許刻
延該部知道欽此該本司查得運總駱懋昭李遂
桑秉平等三弁先該藩御史題叅捏報燒糧未
結復行劄催該廳上緊查追去後隨于四月二
十一日據坐糧廳郎中丁流芳呈稱審把總
李遂桑秉平揭稱去冬虜燒缸糧業蒙漕憲行

查湖廣總屬武昌左衛指揮陳以傑德安所千
戶呂應昌荊州右衛指揮秦延祚浙西總屬杭
州右衛千百戶單胤其等各燒燬并見存米數
開報在案看得把總駱懋昭等所報焚燬之糧
皆取數於運官而據以轉報者也今以各所報
之數而取証於職廳務關交割焚燬之糧則爲
捏爲真自不可掩除駱懋昭參覈內原無呈報
糧數外查得湖廣把總李遂原報焚糧一萬四
千二百五十三石七斗二升今載職廳條剥燒

燬者四千七百七十二石五斗載務關河剥燒
燬者三千六百一十一石此外又供給店等處
見存剥船二十二隻共存米三千九百二十二
石尚該米一千九百四十八石二斗二升則原
報爲燒而剥冊不載者也浙西把總桑秉平原
報焚糧三千九百七十八石今載務關河剥燒
燬者三千四百八石此外尚該米五百七十四石
則原報爲燒而剥冊不載者也入剥燒燬之糧
當職廳始報之日恐有以少捏多者三復駁查

一一待確業奉

明旨旗軍船戶四六追賠矣其未經燒燬者今有湖
廣總見存米三千九百二十二石亦經水陸起
運矣其稱焚無據一千九百四十八石二斗二
升并浙西總五百七十石俱當在各運官名下
完追無疑者然而糧數矛盾雖縣運官所報其
失於覺察之罪自不能逭今李遂桑秉平俱已
赴廳登審明白而駱懋昭催空南下尚未提到
恐久稽

欽限有誤新運合先呈請統候詳示職廳嚴追各獲
官旗牘戶攤賠糧米一面擬議二弁從重降罰
等因到部奉批據查把總李遂桑秉平焚糧始
末數目多寡已確但駱懋昭未到尚茫無着落
不便具題仍速提審明晰再報批行去後今於
六月十一日又奉本部送據坐糧廳呈稱本月
初二日據把總駱懋昭投審到廳審據揭稱慶
燒糧船據武德等衛報職轉報文尾糧船誤寫
船糧字樣奉

旨追賠卑職原無燒燬糧數不惟無所追且不必言
補官旗各照典守完糧與職無涉且職職司催
償不預兌交報無糧數實無欺罔二月內奉

旨督押回空南下誠非拒提且職歷任只得數月
乞電豁等情在案查得本弁叅疏原無呈報糧
數再查被燬糧冊又無該總燬糧數目第各衛
既以糧船被焚呈報該總而本弁自當查明轉
報乃不行查確輒爾悞糧船爲船糧顛倒錯亂
致差天淵雖無捏報之弊而錯悞之罪誠不可

追及查本官歷任未久審無別情亦應從重
罰同李遂桑秉平一併疏覆以結

欽案等因到部奉批雲南司查議速覆奉此查得運
總駱懋昭李遂桑秉平等三弁先因巡漕濟御
史題叅捏報燒糧事宜既經坐糧廳查審明白
相應具覆案呈到部該臣等看得客冬逆虜入
犯沿河一帶焚掠甚慘兇鋒烈焰莫之敢撓素
而重運漕船在楊村上下者俱保無恙惟家
林以上有被燬者俱係起人剥船之糧巡漕總

史潘士逵因批總李遂等申報焚船恐有官旗
乘機捏報之弊故具疏查叅以杜將來誠以重
國計耳今據通廳郎中丁流芳呈報湖廣運總李
遂原報燒糧一萬四千二百五十三石七斗二
升今查載在通廳條剝被燒者四千七百七十
二石五斗載在務關河剝被燒者三千六百二
十一石又有入剝而未經燒燬見存米三千九
百二十二石又有原報爲燒而剝冊未載者該
米一千九百四十八石二斗二升此李遂捏報

之數也浙西運總桑秉平原報燒糧三千九百
七十八石今查載在務關河剝被燒者三千四
百八石原報爲燒而剝冊未載者五百七十石
此桑秉平捏報之數也其間糧數參差雖據運
官之報而二弁職司轉詳不加查覈罪將何辭
及查燒燬漕米先該臣部題奉

欽依着令船戶旗軍四六均賠今船戶扣腳價旗軍
扣薑羨責成通廳務關嚴加清筭即可完補其
未燒見存米又俱起運進倉矣惟是原報爲燒

而剝冊無據者應着運官陳以傑呂應昌秦廷祚單胤其等照數補賠蓋官旗船戶各有典守之責無容推諉者也及查李遂桑秉平二弁是經兵部題叅法司提究應聽刑部從重歸結無容議矣駱懋昭原報船糧燒燬雖無糧石多寡之數不無希冀倖免之情亦難恣陰陽於唇吻以錯誤爲口實合請

勅下刑部一併擬罪完日革職回衛用示創懲可耳
既經通廳查審呈報前來相應覆

請恭候

命下臣部行文刑部究擬施行

崇禎三年六月二十三日具

題本月二十七日奉

聖旨這奏內捏報燒糧虛數着運官陳以傑等照
追補李遂桑秉平既見在提究聽刑部從重歸
駁懋昭原報船糧燒燬情弊顯然豈得以錯悞為
解着刑部一併擬罪具奏欽此

覆應天巡撫叅熊經徐日曦疏

題爲謹陳水邑灾荒之慘有司運弁折乾之弊力
督買米完先之實仰祈

聖鑒事雲南清吏司案呈本年五月二十四日奉本
部送戶科抄出應天巡撫曹文衡題稱前事等
因奉

聖旨折漕禁令甚嚴熊經徐日曦何得輒爾依違雖
已買米補完難免遲悞着部科看議來說曹文衡
董漕有勞不必引咎該部知道欽此又該巡按直

隸監察御史王道直題爲謹陳有司折兌之
水邑災荒之實與力督買米先允之情披肝瀝
血仰祈

聖鑒事奉

聖旨已有旨了該部知道欽此欽遵通抄到部送司
查得松江府推官徐日曦上海縣知縣熊經先
該總漕部院李待問及巡漕御史龔一程題本
遲悞漕務該本部查照二月無糧事例各降
級覆奉

欽依在卷今奉前因相應具覆案呈到部該臣等會
同戶科都給事中玄默看得上海縣額設漕糧
一十萬三千九百九十石零帶運遼米一萬二
千二百四十五石零除陸續完完外當三月時
尚有未完米六千餘石卽竭蹶完完俾漕艘遄
行尚無遑於遲緩之愆乃松江府推官徐日曦
先署該縣不能上緊督米人厥及額糧未完官
旗催逼又欲以銀米三七兼兌以了目前之局
曾不思督理漕糧之責付之推官正爲其權重

而法易行也况

功令何等森嚴而乃輕出折兌之語以自陷於
法干紀之地雖終於買米補完然已覺覆水難
收矣至縣官熊經雖任事方新然接管之日業
有專職謂宜星速比催龜勉完運奈何急撫字
而緩催徵亦欲以銀布折兌豈漕事未諳任人
顧指乎臣部先據漕臣二疏題覆二官俱降職
二級戴罪督催亦旣徼

聖明寬政矣今復因撫按二疏奉

旨看議卽重加罷斥亦不爲過但查撫按疏中上
雖在三吳原係產棉而非產米之地客歲又值
災傷曾經撫按題

請在卷此法無可貸而情猶有一線可原者且也推
官徐日曦素著賢聲知縣熊經履任伊始合無
斟酌於情法寬嚴之中通降三級赴部改用以
爲遲濫之戒而

弘使過之仁

恩威出自

聖裁非臣等所敢擅擬者也既經會議相同相應
請恭候

命下臣部行文各該衙門一體欽遵施行

崇禎三年六月二十四日具

題本月二十七日奉

聖旨理官專委督糧乃徐日熾倡議折允幾案漕規
着降五級用熊經接管仍誤本當同罰念新任已
買米補完姑着降三級照舊管事欽此

覆巡漕龔御史叅運弁張守業等提問疏

題爲恭報漕糧兌完事雲南清吏司案呈奉本部
送戶科抄出巡漕御史龔一程題前事內稱該
臣接管卷查行據專管漕務左布政使周鼎呈
據管河河間府通判申所養呈蒙本道憲牌該
蒙前巡漕御史潘士遴憲牌內開接邸報該應
天撫院右副都御史曹文衡題前事奉

聖旨漕糧舊制十二月兌完開幫這七月方報兌完
據稱回空到遲如何不依漕規叅奏提問及船已

到齊交兌仍後有司違玩可知上海縣着從重處
處龍江衛領運官巡漕御史提究今秋期逾半重
運抵灣無期該部差人查首幫何處尾幫何處具
疏回奏漕運督按衙門差官沿途星速催餉如有
淺阻悞運卽查該管河道部廳信地叅處不得容
徇該部知道欽此牌仰本道提究龍江左衛運官
張守業等垂涎腴次緣繇前漕臣潘士遴任內
奉

旨提究事件因士遴蒙

皇上降級謝事牒送覆勘代奏前因五月二十九日
奉

聖旨運升降級示懲原指尋常違限張守業茂法任
情垂涎腴次故違單例降級豈盡厥辜至劉堯俞
原單自有坐派何得寅緣改幫尚宜並論都着倉
場部科叅看來說該衙門知道欽此欽遵抄出到
部送司業卽呈堂行文總督倉場及戶科叅看
去後今旣經會同叅看相應覆

請案呈到部該臣等會同總督倉場尚書孫居相戶

國重務

科都給事中玄默看得漕運糧儲事關軍

功令森嚴無容頃刻遲延省直派運衛所各官凡
遇事故必不容已者臨期另行委代實事勢之
不得不然耳無容撓越紊亂其間也今查龍江
左衛幫船共計一百八隻內每年例派四十七
隻赴江西兌運六十一隻赴直隸兌運內該衛
指揮張天倫領船四十七隻應兌運江西水次
糧米指揮劉堯俞領船六十一隻應兌運長洲

水次糧米豈期張天倫倏然患病不能管事其
劉堯俞自有先坐原單何得復改江西張守業
既奉催趕應赴長洲輒敢垂涎次竟將長洲
漕糧置之不問乃隨便領運安福之糧暫行塞
責若非隨幫千戶官志道之分單洒派領兌前
行則此長洲之米竟無起運之期矣張守業志
圖肥己念不急公弁髦

功令遲悞漕運劉堯俞恃其機智夤緣改幫紊亂
漕規有乖畫一均非降級所可盡辜合照應解

錢糧不卽赴解之律一併叅送刑部問擬革條
仍降二級以儆其餘庶漕政益肅而運務有裨
矣既經題叅前來復經會同叅看相應覆

請恭候

命下臣部行文各該衙門一體欽遵施行

崇禎三年六月二十四日具

題本月二十七日奉

聖旨張守業劉堯俞貪狡任情紊規誤運依議送刑
部問擬具奏欽此

題爲導

旨回奏事處南清吏司案呈六月十四日奉本部送
戶科抄出該本部題前事等因六月十二日奉
聖旨近糧腐塊必有根因如何不一追求只推過雨
至津糧泥爛與雨無干前旨欲查何處漕運并經
官爲誰及已運見存數目今乃竟不明奏牽紐含
糊憑何處分還着剖詳奏奪欽此欽遵抄出到部
近司隨即呈堂移咨天津餉部并劄天津餉司

餉道及坐糧廳逐一查明腐塊根因追索起
起於何處何以浥爛原係何處漕運何官經
定要剖詳明白以便回

寨去後今於七月初二日奉本部送准天津督
兵部右侍郎翟鳳翀咨稱檄行司道嚴查去後
今據天津餉司主事樊維城督餉道會事張
芳呈稱備行兵管二廳回知王秉衡等確查
呈前來該本司道備查津米督收正值務關
船張灣焚掠不啻震鄰之恐實有剝膚之慮

時搬運惟恐不多然亦不敢輕易故雖不及盡
法晒揚決不容其腐壞入倉也及查頭運自三
月十八日從天津啓行至四月十八等日始得
回空二三運雖回空稍近然皆在兩旬內外俱
無浥濕諸議惟船戶劉從煥者自不在船拖人
代運失風濕米於北倉地方停泊羈留四十日
不敢往通值本司僭運新漕親查得情隨具呈
本部院枷責遊示其米已令發回更換總之米
旣腐爛津倉敢辭賠補然欲查的係何人以便

責問事在通屬欲辯在途有無補和淺聞事在
押運各官本司道鞭長有及腹之憂道遠無分
身之術固不敢逭於罪責實難以辯夫淄澠難
取各委官收發通運漕糧青冊見在其中交納
何官浥爛何米一對自可瞭然伏乞移咨轉達
等因到部院據此看得凍糧浥爛一案據司道
與兩廳之詳娓娓數百言其詞近真時本部院
雖未履任視事而審時度勢揆理察情亦安得
無說而處於此查凍糧搬入津城在去冬虜警

披猖之日彼時通務之間烽火相望津門凜寒
嚴綸但以保全漕糧爲幸未暇辨其精粗美惡且運
官旗甲先有聞風鶴而逃遁者卽欲別白揀擇
無從也委官婁光德賈世爵等員數旣多賢愚
不等又搬運不分晝夜脚夫嘗至數千倉忙擾
攘之中乘覺察防閑所不到而盜賣揶合糠土
者不盡無也米多厥少勢必露固廟宇公署在
在填溝渰也原屬卑隲鬱蒸難免浥壞但發運
通糧俱先擇其精好斷不能以浥壞者充數若

米至三十六萬餘石船戶何止一二千人頭

自二月十八日啓行至四月十八日回空守候

不下五十餘日中間閘淺進水如劉從煥其且

經責懲者也而未經覺發者豈其無人惟是相

運委官卽原收糧之委官且業已抵通交卸矣

是雨非雨某好某爛通廳自能一一查明具報

至查何處漕運當其收入也或以十數船而合

貯一囤及其發運也或以一囤分裝十餘船頭

緒混淆又安辨其某衛某所某運官某旗甲

總之此一役也分委者婁光德等二十八員
委者兵糧廳同知王秉衡原任軍需廳通判
鳴瑜綱領其事者督餉道僉事張志芳餉司
事樊維城當匆劇驚惶之時不能爲暇豫精
之計責旣難諉罪亦奚辭但收入倍極拮据保
全亦已不貲應否稍存寬宥統出

聖明特恩若本部院雖未與收糧之事而實有督運
之責席藁待罪分所宜然謹將各委職名備錄
于後及經收各衛糧數造冊二本以聽查核

分至於所收米數前部院原題一百二萬石

三百七十九石七斗二升零今據報又有續

米二萬四千六百二十七石七斗六勺合而計

之津門通共收過凍糧一百六萬二千七石四

斗二升五合九勺四抄內除截抵海運米五

五萬石又本年二月內留運薊米二萬石又

月內准戶部咨發永平賑米一萬石二十九

又准戶部咨令津門撥漕米三千石令主事

文郁運薊六月初七日准戶部咨撥漕米五

石運薊十二日又准戶部咨撥漕米一萬石運
灤永又陸續發運過京通米三十六萬四千四
百五石二合合關鮮薊永京通共撥過米一百
萬七千四百五石零二合尚該剩米五萬四千
六百二石四斗二升三合九勺四抄內又除給
海防營兵護餉行糧浙兵行糧及左右通津三
營新增行糧共計二萬四千七百七十一石二
升四合九勺業經該司呈明應准開銷淨剩原
收米二萬九千八百三十一石三斗九升九合

四抄雖借發於海運俟各州縣外解到日即可
補還此收發見存之確數也合咨回

奏施行等因又據通糧廳郎中丁流芳呈稱查得
津糧之收藏起運其督理則天津餉司主事樊
維城遼餉僉事張志芳也其承委則兵餉同知
王秉衡也其經收押運則委官賈世爵等也當
去冬收藏之際虜警告急經管各官晝夜拮据
亟爲根本之計衝風冒雪不暇求精而委官卽
于此乘機揷和此伏病之源也嗣至開春起運

固在高阜者土雖多而米色無損貯在低窪者
地氣蒸而致有浥濕設使津委諸官奉司道之
令盡法晒揚顆粒乾潔用心押運不致偷盜掉
和必不致有腐結之患矣無奈諸委不盡然也
除米色乾潔經職廳逐船驗明過壩者不計外
溯自三月二十五日職廳驗得天津委官賈世
爵婁光德船糧米色浥爛不堪職廳詰責各官
怒其挿和責令盡法晒揚各官皆稱此係收藏
原米晒揚必有虧折職等押運小官無力賠補

維持虜氛巨測速運爲功職廳奉有隨到隨起
之劄不敢停留遲運隨封樣米呈請蒙批據驗
各米率多糠粃砂土委屬不堪非運舟之侵漁
卽中途之偷盜故插和濫惡如此亟宜移文申
飭先于發運處委的當員役押送務清其源再
令各倉晒揚如法其短少者勒令追補使不得
售其欺也雲南司查行備劄到廳除遵依申飭
外從此運到津米職廳只得照依過關卽間有
土惡不潔者亦聽到倉晒揚而已四月初十日

因津糧惡濫海運北新各倉紛紛以晒揚多折
而閘運經紀又紛紛以賠累難支告苦職廳議
將未運津糧准作來歲截留免運入京呈詳蒙
批津糧各已截完其餘盡運入京本部屢經議
覆不可更也仍照前案行至五月十一十二日
委官徐邦佐押運襄陽衛運官黃象乾米二千
五十四石四升委官王治臣押運紹興衛運官
楚晟米一千六百二十七石二斗一升委官吳
教押運嚴州所運官李承祖米一百五十二石

委官丁啓殷押運温州衛運官朱良弼米
四十二石委官趙大儒押運龍虎衛運官許國
忠米四百七十石二斗嚴州所運官李承祖米
二千二百五十七石四斗五升鎮江衛運官王
垣米四百四十五石七斗五升紹興衛運官楚
晟米三百六十八石二斗五升委官方逢璧押
運廬州衛運官李長庚米一百六十石寧波衛
運官劉弘猷米八石三斗委官呂樊賡押運嚴
州所運官李承祖米六十石泗州衛運官馬仁

壽米六百五十一石九斗八升台州衛運官傅
應麒米八百二十六石六升委官黃元正押運
廬州衛運官李長庚米二千六百四十四石
斗三升二合鎮江衛運官王垣米七百六十八
石三斗四升通共米一萬二千六百四十五石
七斗一升二合其米色之不潔大率相若故致
冒雨到橋苦蓋不周遂有結而成塊者矣禦雨
不周職廳之罪也故前次奉

旨回話職廳不敢侵及別人米色不佳原來之本质

也職廳奉

旨戴罪根查亦不敢代爲天津隱飾謹據實呈覆等因各到部送司查得前項津糧係何處漕運并經管爲誰及已運見存數目既經查明回覆前來合宜亟行

奏覆案呈到部該臣等看得凍糧浥爛之故臣等再四推求當津門去冬收藏之際虜警倉皇經管各官只以保全爲功晝夜搬運匝月而至百餘萬固不暇擇其精粗美惡也旗軍多係積

猾乘此機會偷盜插和或亦所不免矣嗣後轉
運入京延及溽暑濕氣薰蒸米色漸變兼以道
路既遠時日寢久船戶多係無賴侵漁吞噬復
何顧忌或又所難免矣猝遇淫霖苦蓋不周泥
成腐塊職此其繇是從津門收受轉運抵通之
日已非乾圓之本質因至冒雨到橋再運入倉
之際遂致腐朽而難堪此其腐塊之根因津與
通所不得交卸其責也其近日押運之官卽先
日原收之官據通廳查自三月二十五日津門

委官賈世爵妻光德船糧抵壩已覺不堪曾經
申詳臣部在案至五月十一十二日之米押運
委官爲徐邦佐等八人原管運官爲黃象乾等
十人各有職名可按共運米一萬二千六百餘
石米色不潔大率相類就中有委官方逢璧者
其船戶劉從喚插和偷盜業經津門發覺已枷
號正罪矣前項委官運官皆典守之人而浥爛
之原也至於米數先據天津報收米一百三萬
七千三百七十九石七斗零今又據報續完掛

欠趕幫等米二萬四千六百二十七石七斗零
二項共收過米一百六萬二千七石四斗零內
除截抵關寧海運米五十五萬石又發過水運
薊鎮米二萬石又先後二次發過永平米二萬
石又發過薊鎮米三千石又新發過薊鎮米五
萬石又陸續發過京通米三十六萬四千四百
五石二合零外尚該存剩米五萬四千六百二
石四斗二升零內除給海防管兵護餉行糧并
浙兵行糧及左右通津三營新增行糧共計米

二萬四千七百七十一石二升零淨剩原米

萬九千八百三十一石三斗零暫借發關寧海

運仍當以召買米抵補聽充薊餉之用此津米

已運見存之數也若津門經營各官總委則兵

餉同知今陞南戶部員外郎王秉衡督理則漕

餉道僉事張志芳本部餉司主事樊維城各官

志急護糧法疎釐弊當變出倉卒不能預爲善

後之圖及糧入京通不能密作防閑之計責因

莫諉罪亦奚辭姑念其保全百餘萬軍儲餐述

數十日霜雪且時迫難以遍稽而道遠難以分
身在王秉衡量擬罰俸一年在張志芳樊維城
量擬罰俸六箇月至通廳郎中丁流芳屢報津
糧不佳似非漫無覺察而內河防雨不周亦應
爲法受過併擬罰俸六箇月其委官賈世爵婁
光德方逢壁徐邦佐王治臣吳教丁啓殷趙大
儒呂樊賡黃元正等收放無法挿和多奸均應
提問正罪追賠示警而賈世爵婁光德方逢壁
尤罪之魁也運官黃象乾楚晟李承祖朱良弼

許國忠王垣李長庚劉弘猷馬仁壽傅應麒等
十員職守攸關掉臂不顧亦難追於三尺但既
交割委官較隔一手終得藉以有詞姑免提問
仍令協同委官賠償官糧庶情法咸宜而漕政
肅清矣既經津部司道并通糧廳查明前來相
應覆

請恭候

命下臣部行文各該衙門一體欽遵施行

崇禎三年七月初六日具

題本月十二日奉

聖旨據奏津糧捕和漕恩收貯漫無覺察及至發運
又不嚴飭晒揚一任中途侵盜借雨欺飾經管官
職掌安在樊維城張志芳都着戴罪管事俟新歲
完日奏奪主秉衡降三級用丁流芳內河防雨備
疎查奏再三狗隱着降二級管事賀世醫黃象乾
徐邦佐等分別懲處該部知道欽此